

չափազանց շոռ (աղի) հող ունի, և զուրկ է թէ վազող և թէ բղետող ջրերից, որից հետևում է և այն կարծիքը՝ թէ ջրի պակասութեան առթիւ աւելում է այդ պատուական և մարդաշատ աւանը։ Դորա միջից մի ժամանակ հոսելիս է եղել խնձկոնից ուխտի փոքրիկ գետակը, որը վաղուց արդէն ընկնելով իւր բնական ճանապարհը՝ ոռոգում է Մեծ — Մաւրակի գաւառերը և յագեցընում է երեք քիւրդական ամարանոցների ժողովրդեանը և անասուններին։ Կլիման չափազանց տաք է է և քնասակար։

Մրէն իւր բոլոր հողերով և անգամ սրբութեան տաճարով, բնակարանների մնացորդներով և ճարտարարուեստ խաչարձանների գեղեցիկ հիւսուածքներով, պատկանում է քիւրդ ֆիթթէքի որդի Բիշար-աղին, որի մահուան պատճառով այժմ օգտվում է նորա կինը, ստանալով քիւրդ խաչարձաններից վճար, տարեկան 55 տուկի օսմանեան լիւրա (500 ուրբի)։

ԿԱՐԱՊԵՏ ՅՈՎՀԱՆՋԱՆԵԱՆՑ

ՏԱՂ ԳԱՐՆԱՆ

Ար' եկ որ մրտնուէք պաղշան,
Ու վարդ քաղենք, ծաղկեցաւ այդին,
Պիւլպիւն ու տուտի զումրին,
Քաղցըր ձայնիւ
Եղանակեն կանանչ թըփին .
Հետ կարմիր վարդին, հետ կարմիր վարդին,
Հետ մեր սիրելեաց :

Գոյնըզգոյն ծաղկունքն եկեալ,
Ուետաբերք եղեն պըլպուլին :
Մանուշակ ու հազըրվարդ
Մատուցանեն
Կանանչ թըփին, ուրախանան
Հետ ճերմակ վարդին, հետ ճերմակ վարդին,
Հետ մեր սիրելեաց :

Նըռնենիքըզ զուգաշար,
Մարգըրտաշար, խիստ զարմանազան .
Համն անուշ, հոտիկն անուշ,
Քան զնուշն անուշ .
Կանանչ թըփին ուրախանան
Հետ կարմիր վարդին, հետ ճերմակ վարդին,
Հետ մեր սիրելեաց :

Արտուտիկ ու կարկանդուն
կարմիր կաքաւ, գարնան ծիծեռնակ,
Սիրամարգ ոսկի թևով,
Նախշուն թեպրով,
Կանանչ թըփին ուրախանան
Հետ կարմիր վարդին, հետ ճերմակ վարդին,
Հետ մեր սիրելեաց:

Նորատունկ նըշդարենի,
Նախածաղիկ՝ գուշակող գարնան,
Լիմոնի, նարընջենի,
Կեռաս, ծիրան,
Կանանչ թըփին ուրախանան
Հետ կարմիր վարդին, հետ ճերմակ վարդին,
Հետ մեր սիրելեաց:

Համօրէն ծաղկունքն ամէն,
Ժողովեցան սիրով 'ի յայդին.
Ճաշակեն վանոյշ գինին,
Ի թաւ շըքին
Կանանչ թըփին, ուրախանան
Հետ կարմիր վարդին, հետ ճերմակ վարդին,
Հետ մեր սիրելեաց:

Մեղեղիք և շարական,
Ձայնաւորակ տաղ հոմերական,
Պար առեալ եղանակեն
Քաղցրը ձայնիւ.
Կանանչ թըփին ուրախանան
Հետ կարմիր վարդին, հետ ճերմակ վարդին,
Հետ մեր սիրելեաց:

Ա Ի Ե Տ Ի Ք Պ Ա Տ Ր Ի Ա Ր Ք

Ծան. — Այս երգս օրինակուած է Բարիգու ՄԶ Ս. Ժընը-
ւիեւայ մատենագրանին հայերէն ձեռագրաց միջէն:

